



INATSISARTUNI

Partii Inuit
Randi Broberg

UPA 2014/156-1
13.5.2014

PILLUGU: Sinerissami tarnimikkut napparsimasut sullinneqarnerisa pitsaassusaata ukiut tamaasa nalilersuiffigineqartarnissaa siunertaralugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Naliisussat tassaassapput atuisut sulisullu ulluinnarni pineqartunik passussisartut.
(Inatsisartunut ilaasortaq Agathe Fontain, Inuit Ataqtigiit)

Tarnimikkut napparsimasut katsorsarneqarnerisa tamatumalu pitsaassusaata, Naalakkersuisut ukiumoortumik nalilersuisarnissannik pisussaaffilerneqarnissaat, siunnersuutikkut anguniarneqarpoq.

Tamanna tunngaviumik Partii Inuit aporfissaqartinngilarput, pingaartumik atuisut akulerutsinneqarnissaat eqqaallugu.

Naalakkersuisut akissuteqaatiminni siunnersuut ilalernartinnagu oqaatigivaat. Pingaarnertut ataani taaneqartut tunngavigalugit;

- a) aningaasaliissutitigut / sulisoqarnikkut atugassarititaasut ataatsimut isigalugu, atorluaanerunngitsutut nalilerneqarmat,
- b) nalilersuisinnaaneq pitsaassusilik anguneqarsinnaassappat, ilinniarsimasunik imal. ilinniartitseqqinerit aqutigalugit sulisoqarnissaq pisariaqartutut nalilerneqarmat.

Naalakkersuisut allannguutissamik siunnersuuteqarnermikkut ujartorpaat, inatsisartut 2017 ukiakkut katersuunnerinut atasumik, tarnikkut napparsimasut kiffartuunneqarnererat ataatsimut isigalugu pitsaassusaata nalilersuivigineqarnera pillugu nalunaarusiortoqassasoq.

Partii Inuit suli soqutigaarput, akuttunngitsumik nalilersuisinnaanissaq. Ukiut tamaasa pisarnissaat uniffiginagu isumaqarpugut, ukiut pingasukkaartumilluunniit nalunaarusiatut isikkulerlugu, Inatsisartut nalilersuisinnaanissaat.

Paasissutiniq pissarsiniarnermi periuseq atugaq qanoq isikkoqassanersoq aammalu qanoq imaqassanersoq, minnerunngitsumillu qanoq akeqassanersoq ammasumik eqqartorsinnaasariaqarpagut.

Qulaani taaneqartut tunngavigalugit Partii Inuit innersuussutigissavarput, oqaluuserisap aappassaaneerneqannginnerani, ataatsimiititamit susassaartumit isumaliutissiisoqassasoq.